

Alkateen Ituna

Europa Europa bidezkoago eta klimatikoki neutralago bat lortzeko ekintza areagotzea



Guk, Europa osoko Alkateok, gure **klima-anbizioak areagotzeko** erabakia hartu dugu, eta zientziak agintzen duen erritmoan **jarduteko konpromisoa hartzen dugu**, temperatura globalaren igoera 1,5 °C-tik behera mantentzeko ahalegin bateratuan, Parisko Akordioaren anbizio nagusia dena.

Urtetan zehar, **hiriek aukera bihurtu dituzte klima- eta ingurumen-erronkak. Iritsi da horiek lehentasun orokor bihurtzeko unea.**

Alkateen Itunaren (Europa) sinatzaile gisa, bidaia honetan denei laguntzeko konpromisoa hartzen dugu. Gure politika eta programek atzean inor eta toki bat ere ez uztea ziurtatuko dugu.

Europa klimatikoki neutralago baterako trantsizioak ondorioak izango ditu gure gizarteetako esparru guztietan. Tokian tokiko lider gisa, ondorio horiek zaindu behar ditugu ekitatea eta inklusioa bermatzeko. **Bidezkoa, inklusiboa eta munduko herritarrekiko eta gure planetako baliabideekiko errespetuzkoa den trantsizioa besterik ezin dugu aurreikusi.**

Gure ikuspegia da 2050erako denok biziko garela hiri deskarbonizatu eta erresilienteetan, energia eskuragarria, segurua eta jasangarria eskura duten hirietan. Alkateen Ituna (Europa) mugimenduaren parte gisa, jarraituko dugu (1) gure lurraldean berotegi-efektua eragiten duten gasen emisioak murrizten, (2) erresilientzia areagotzen eta klima-aldaketaren aurkako eraginetarako prestatzen, eta (3) pobrezia energetikoari ekiten bidezko trantsizioa bermatzeko funtsezko ekintza gisa.

Gutiz jakitun gara EBko Estatu kide, eskualde eta hiri guztiak trantsizio-fase desberdinetan daudela eta bakoitzak bere baliabideak dituela Parisko Akordioan ezarritako anbizioei erantzuteko. Berririo ere, krisi klimatikoari aurre egiteko dugun erantzukizun kolektiboa onartzen dugu. Erronka ugariak erantzun politiko irmoa eskatzen dute gobernantza-maila guztietan. Alkateen Ituna (Europa), batez ere, tokiko irtenbideak partekatzen dituzten eta ikuspegi hori lortzeko elkarri inspiratzen zaizkion Alkate konprometituen mugimendua da.

Gure partetik, ekintza hauek egiteko konpromisoa hartzen dugu:

1. **KONPROMISOA HARTU** epe ertain eta luzerako helburuak finkatzeko, EBren helburuekin bat datozenak eta, gutxienez, gure helburu nazionalak bezain asmo handikoak. 2050erako neutraltasun klimatikoa lortzea da gure helburua. Egungo larrialdi klimatikoa kontuan hartuta, ekintza klimatikoa lehenetsiko dugu eta gure herritarrei jakinaraziko diegu.
2. Gure herritarrak, enpresak eta gobernuak **INPLIKATU** ikuspegi hori aplikatzeko eta gure sistema sozial eta ekonomikoak aldatzeko maila guztietan. Helburu horiek lortzen lagunduko diguten eragile guztiekin tokian tokiko hitzarmen klimatikoa garatzea da gure helburua.

3. **JARDUN**, orain eta elkarrekin, beharrezko trantsizioa bideratzeko eta bizkortzeko. Gure helburuak lortzeko ekintza-plana garatu, aplikatu eta jakinaraziko dugu, ezarritako epeetan. Gure planetan, klima-aldaketaren ondorioak arintzeko eta klima-aldaketara egokitzeko xedapenak sartuko dira, betiere integratzaileak izateari utzi gabe.
4. **HARREMANAK EZARRI** tokiko beste Alkate eta liderrekin, Europan eta haratago, elkar inspiratzeko. Alkateen Itun Globalaren mugimenduan gurekin bat egin dezaten eskatuko diegu, munduan dauden tokian daudela, hemen deskribatzen diren helburuak eta ikuspegia beren egiten badituzte.

Guk, Europako Alkateen Ituna sinatu dugunok, adierazten dugu gaur neurriak har ditzakegula (**Konpromisoa hartu, Inplikatu, Jardun, Harremanak ezarri**) oraingo eta etorkizuneko belaunaldien ongizatea bermatzeko. Elkarrekin lan egingo dugu gure ikuspegia errealitate bihurtzeko.

Gure gobernu nazionalen eta Europako erakundeen laguntza dugu, gure nahien arabera baliabide politiko, tekniko eta finantzarioak eman diezazkiguten.



[Konpromiso hau sinatzen duen pertsonaren izena eta kargua]

Honek baimendua: [udal kontseilua edo baliokidea]

[ee]/[hh]/[uuuu] datan.

SINADURA OFIZIALA

[Sinatzen duen agintaritzaren izena eta helbide osoa]

[Harremanetarako pertsonaren izena, helbide elektronikoa eta telefono-zenbakia]



Europako Batzordeak finantzatzen du Alkateen Itunaren Bulegoa (Europa). © Europar Batasuna, 2021.

Honen parte:

